

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۶ ربیع الاول ۱۳۳۵ جمعه ایرتسی ۷ کانون ثانی ۱۳۳۲ نومرو ۱۲


[سامی پاشا زاده سزائی بك افندیدن جلال نوری بکه كلن بر صوك
مكتوب ، مشار اليك اسويچره احتساساتك ده يقينده كله جكنی تبشیر
ایدیور ؛ مجموعه‌ضر ، بو صورته سزائی بك افندینك صوك یازیلرله قریباً
ترین ایده‌جکدر .]

مح محترم افندم

جواب والفتاکزه تشکر ایدرم . فقط بیلیم سز بنم بو مكتوبله لفاً ویا تردیفاً کوندره‌جکم
اسويچره طاغلرینه‌عائد بعض تحساتی آله‌بیله‌جکمیدکیز؟ Noël له ییل‌باشی آرە‌سندە‌یز . بومناسبتله
سپرلرده مسکون اولان نوع بشیره کوندریله‌جک ، مبادله اولنه‌جق ملیونلرله مكتوبلر ، قارتلر
آرە‌سندە وبلکه آتشلر ایچندن بوکاغده مسوده ناصل کچه‌جک ؛ کچرسه آدینی سمندر قویعلی .
مطبعه‌لردن کوندریله‌یان غزته‌لری پوسته‌لرک تودیع و توزیع ایتیه‌جکی اعلان اولندیغندن بری
اقدامك هیچ بر نسخه‌سنی کوره‌مدم . بنم ایچون سزك مقاله‌کزی او قومامق جداً محرومیتدر .
لهستانك تقسیم‌نی تصدیق ایتیان یالکزدولت علیه اولدیغنی سزده یازمشدیکیز . او قومدم . سزك اقدامده
اوقویوبده اونوتمدینم بر فکر ایله بر حقیقت مآلاً خاطرمدە قالدی . بری « بزده ادبیاتك ترقیسی
بیله عسکرلکک ترقیسنی تعقیب ایتشدیر » دیکری « بوجهان حربنده انکیزلری مغلوب ایدن والک‌زیاده
دوکن بز ترکلرز » . بنده بر زمان غزته‌جیلک ایتدیکم ایچون تجربه‌م واردر . غزته‌جیلکده ،
بودورلو حقایق و ملاحظات مهمه وبلکه بعض بدایع ، بر کره سویلتوب کچرسه ضایعدر . دائماً
تکرار ایدلیدرکه قارتلره انتفال ایله‌یه‌رک عمومك بر فکزی اولسون . « مكتوبلرمدە
آداب مکاتبه‌یه مغایر اوله‌رق بی‌پروا کله‌لری ، حرفلری چیزوب اوزرلرینه‌جیقمق بکا غزته‌جیلکدن
قاله بر عادتدر . » لازم کلانلره امر ایدیکزده بکا اقدام کوندرسونلر . اقدامه دور سابقده ،

و بدیش و اون ایکشر پاره لك اوج نوع سكه اولحوالیده تدارك اولنوب اشبو اون ایکشر لك سكه لك بهرینه قرق قراچر آلمش پاره حسابنده اولان بش عددینه نیچه غروشی مقامنده اوله رق بر فیورین تعبیر و اعتبار اولنق و میری سندی صورتنده اولان بانقو کاغدی تعبیر اولنور بر طاقم اورا قك دخی نقود مثلاً رواجی درکار اولق حسیله ذکر اولنان اجناس نقوددن برر مقدار آلنوب ماعداسنه بدل سبکبار اولان اوراق مرقومه دن یوزواللی و یکرمی بش واون والی و بش و بر فیورینلق کاغدلر اخذ و نیچه مملکتلرنده صرف اولمش و مارالبیان اون ایکشردن قراچر تاریخ تبدیلدن اوج آی صکره مھاك نیچه ده جاری اولیوب سالف الله کر بدیشر لك رواجی مرعی اولسی تنبیه اولمش ایدوکی سبینه بر تاجردن استماع قلمش اولدیغدن غیری ایلروده تجار بولنمیان محالده تجار آلتونی بیلنمیوب ذکر اولنان نقود و اوراق متداول اولغله آلتونك دخی سبینه تحویلته شتاب محض صواب اولمشرده.

[دوام ایده جکدر]



[۲۹ کانون اول — ۴ کانون ثانی ۱۳۳۲]

بو هفته ده عموم جبهه لرده پك آز فعالیت حربیه اولدی . شبهه سزكه بوكا سبب بكانه شدائد شتاییه دكلدر . قیشك ، بو عصرده وسائطك تكملنه رغماً ، تأثیری ینه حس ایدلمكده ایسه ده ظنمزجه سكون حاضر ، بویوك فیرتینالردن اولکی سكونلر کی ، ایلریده قوپه جق مدھش بورالرك علامتیدر . جبهه لرك آرقه سنده كرك دشمنلرمن و كرك بزم طرف بوبوك حاضر لقلر یاپیورلر . بو هفته غرب جبهه حربنده معتاد اولان اهمیتسز و موضعی مصادمه لردن باشقه برشی اولمادی . فعالیت حربیه لك اك زیاده ینه (صوم) و (آنقر) حوضه لرینه تمرکز ابتدیی کورولیوردی . انکایزلر آنقر چایك شمالنده (سهر)ه قارشی اولدقجه شدید هجوملرده بولنه رق قانلی صورتده دفع ایدلمشله ، یالکوز بر ایلری موضعه برلشه بیللمشلردر . موضع اصلی آلمانلر طرفندن محافظه ایدلمكده در . ایتالیان جبهه سنده سكون حکمفرمادر . صوك کلن بر تلغرافنامه یه نظراً ، ایتالیان باش قوماندانانی كرك جبهه حربده و كرك آرقه لرده یکیدن تحکیمات و ترتیبات تدافعیه وجوده کتیرمکده در . حتی حدودده جوار بعض شهرلری بیله اهایلدن تخلیه ایتدیرمکده در . آ کلاشیلان ، ایتالیانلر ، قورقاقلقرینه دلالت ایدن فضله احتیاطیکار لقلریله ، هینده نبورغك رومانیا دن صوکره کندیلرینه هجوم ایده جکنی ظن ایدیورلر . بزده تمی ایده رزكه ظنلری یا کایش چیقماسین و حربی اوزانغله سبب اولان اهانتلرینك جزاسنی چکسینلر .

ماكدونیا جبهه سنده فعالیت حربیه عادی قره قول مصادمه لرینه مقصور قالمشدر . اک مهم وقعه ، (اوخری) و (پره سپه) کوللری آراسنده آوستریا-مجار قطعاتنك فرانسلری دفع ایتمه لری اولمشرده . هر نه قدر آرناو-دلفده اولونیانك شمالنده آوستریا-مجار قطعاتی بر جبهه تشکیل ایتمکده ایدیه لرده بو جبهه لك اوخری کولنه دکن امتدادینه دائر شیمدی یه قدر هیچ برتبلیغ کچمه مشدی . ماكدونیا محارباتنده آوستریا-مجار قوتلرینك اشتراکینی ایلاک دفعه اوقویورلر .

روس جبهه سنده : کچن هفته کی فعالیت دوام ایده مه مشدر . روسلر (ریغا) و (دونا) و (دونا بورغ) طفرلرنده کی تعرضلرینی پك زیاده تخفیف ایتمشله ، جبهه لك هئت عمومیه سنده آنجق

عادی مصادمہ لر و کشف حرکاتی اولشدر . ریغا و دونا تعرضلرندن بر شی جیقمایہ جغنی و ذاتاً بر شی جیقمق ایچون یاپیلما دیغنی کچن هفته یازمشدق .

رومانیا جبهہ سی ، خال حاضرده فعالیت حربیہ سی نسبتاً بک زیادہ اکیلمکله برابر ، ینہ برنجی درجہ ده مهم برجبه در . (فوقشانی) موقع مستحکمک ضبطندن صوکرہ مارہ شال ما کنزہن اوردولری توقف ایتدیلر کی کورونیور . متفقین قطعاتی (ابراہیل) - (فوقشانی) آراسندہ کی ۷۰ کیلومترولق (سہرہت) ک جنوب ساحلی - بر ایکی سر کوپری موقعی روسلرک الندہ قالمق اوزرہ - ضبط ایتدکن صوکرہ قوتلرینی اک زیادہ شمالہ قاربات داغلی اوزرندن مولداویہ موصل وادیلرہ ایلرلہ مکہ صرف ایتدیلر . بورالری مرورلری مشکل بر واقم داغ کچیلری ، درین وادیلر وقارلرہ مستور تپہ لر ، ایچلرینہ نفوذ ایدیلہ من اورمانلرہ محاطہ لر . شدائد شتائیہ ، قارفریتینالری ، تحت الصفر ۱۵ درجہ ده صوغوق بوموانع طبیعیہ ضمیمہ در . دول مرکزہ قطعاتک بورالردہ کی حرکات و موققیاتی محاربات حاضرہ نک اک پارلاق حادثاتندن معدود در . (فوقشانی) ابلہ (اویتوز) آراسندہ کی داغلق منطقہ ده روسلر-رومنلر دھا کری بہ سورولمنلر و متفقین قطعاتک (سہرہت) دوز وادیسنہ اینہ سنہ آنجق برقاچ کیلومترو قالمشدر . آنجق ہرنہ دنسہ آلمان و آوستریا - مجار قوتلرینک اوچ درت کوندر بوقسمدہ ده ایلرلہ مکدن صرف نظر ایتدکلرینی وروس - رومنلرک بیہودہ تعرضلرینی دفعلہ اکتفا ایلہ دکلرینی کورویورز .

صوک کونلرک اکمہم وقوعاتی ، ابراہیلک عرب شمالیسنده و سہرہت نہری جنوبندہ (میحالہ آ) و (وادہ فی) موقعلرینک شجیع تورک عسکرلری طرفندن ضبطیدر . بوموقعلر اولدجہ مهم محارباتلہ آلمشدر . آکلاشیلان روسلر ہر جنوبندہ بر آزدہا توقفی ، سہرہت خطی شمالندہ کی موقعلرلہ سر کوپری موضعلرینی تحکیم ایچون وقت قارامغہ مدار صایمشلردر . شیمدی سہرہت خطی بویندہ کی و مولداویا (بوغدان) داغلرندہ کی محارباتک توقفی ، ما کنزہن طرفندن التزامی برشی اولہرق قبول ایدہ بیلیرز . بزم فکر مزاجہ رومانیاہ کی اتفاق مربع تعرضی هنوز حد غایہ سوق الجیشینہ واصل اولماشدر . روسلر سہرہت خطندن دہ طرد ایدیلہ جکلردرہ غربی افلاقدن (سہرہت) خطنہ قدر ۴۰۰ کیلومترولق بر مسافہ قطع ایتمش اولان قوتلرینک ، یکی محاربات ایچون اکتساب قوت ایتک اوزرہ بر آز توقف و استراحت ایتہ لری طبیعیدر .

عثمانلی جبهہ لرندہ اولدجہ مهم حرکات وقوع بولمغده در . دجلہ جبهہ سندنہ (کوت الامارہ) نک شرقندہ ، (فلاحیہ) دہ انکلیرلرک بویوجک تعرضلری برخیلی ضایعاتلہ و برجوق غنیمت آلنہرق دفع ایدلشدر . ایرانندہ روسلری طرد ایدہ رک (رایات) ہ کیردک . قافقاسیہ دہ صول جناحدہ مصادمہ لر اولشدر . متیس آطہ سندنہ طوپلانان دشمن قوای بحریہ سنہ آناتولی ساحلندن آتش باصفینی یا پہرق بر انکلیر قرا و اوزرینی باتیردق .

صوک هفته نک حادثات حربیہ سی ایچندہ آلمان و آوستریا تحت البحرلرینک بحر سفیددہ کوستردکلری فعالیت فوق العادہ بی ذکر ایتک بروجیہ در . فی الحقیقہ بوتحت البحرلرک ، صوک بر ایکی هفته دہ دوغریدن دوغری بہ طور پیللہ یہ رک ، یا خود طور پیل دوکرک فرانسلرک (غولوا) ، (وہریتہ) زرهیلرلہ انکلیرلرک (قورنوالیس) ، ایتالیا لرک (رہژینا مارغہریتا) زرهیلرینی غرق ایتدیلر . بونلرک ہیچ بریسی درہ دنوط صنفندن دکلسہ دہ ہر حالہ خط حرب سفاٹندندرلر و اہمیتلری انکار اولنہ ماز . آرتق ائتلاف سفغنی بحر سفیددہ دہ . شمال دکزلرندہ اولدینی کی ، آچیلردہ دولاشمقدن واز کچوب امین لیمانلرہ التجا ایدہ جکلردر .